

ACD Val Badia - FC Gais

Inviato da Renato

Ultimo aggiornamento lunedì 09 agosto 2021

Domènia, 27. setèmber 2020

ACD Val Badia - FC Gais: 2 - 0

Deventa y trei punc begn meritá. Bela prestaziun dla formaziun de Curti

Dô la prestaziun nia da bravé cun pordôda dla domenia da denant cuntra le Terenten, sa la squadra indô ciafè pitan na buna partida. La plaza "Pradel" é indô te der de bunes condiziuns y da mete man sa ince le soredl fat odei. La partida é feter tres stada tles mans ladines. Le alenadú Curti à baraté fora cater posiziuns respet al utlima partida.

Al 2^a menüt taia ite n bel palê t' aria "Olex" Stampfer por "Matti" che rôia sú dan le portier puster, mo la trata é der alta sura porta fora. Mó le "capitan" se fej atira pordené al 5^a menüt. Da zirca vintecinch metri lasciel pié i na gran trata cuntra porta. Chesta rôia sôn la man ciampa dl portier dlungia pé ite te porta por le gran bel gol dl 1 a 0. Dô da 7^a de jüch passa indô "Olex" en gran palê t' aria por Masoch che rôia sú cuntra le verdaporta. Chesc é à val moda bun da anticipé y se pié le curan da le atacant ladin. Na gran ocasiun por le 2 a 0 rôia al 22ejim de jüch. Sôn na pasaja de Masoch rôia sú M. Stampfer t' aria, súa trata vegn rebatôda der bun dal un Messner. Al 44^a menüt rôia da na pert ite t' aria sú Masoch sôn na bela passada che taia fora la defensciun dl Gais. Mo le arbiter ti scûra na posiziun de fora dl jüch che nê nia. Dô da 54^a de jüch él n pass lunch dl diesc dla VB por Conrater che rôia apena t' aria da na pert ite. Sôn la gnôda fora dl portier alzel le palê sura fora, en bel "palonetto" che arsesc te porta por le der bel 2 a 0. Al 74^a menüt robat cun i pügns Ferdigg na gran trata dl chinesc M. Reichegger t' aria. Al 76ejim tira "Matti" Stampfer en bel ciantun lunch sôn le secundo pe. Chiló rôia Fersuoch bel sú ala deviazion de cé. Le palê robat da impröma sôn le pé alt y dedô sôn la stangia de porta, ti tolon la sodesfaziun dl gol al defensur fodom. Al 91^a de jüch vegn fora cun coraje le un ladin dan i pîsc dl chinesc dl Gais, se pian y paran ia por tera le curan. La diventa meritada pon se gode, ciaran da jí inant sôn chesta strada.

Formaziun Val Badia: 1.Rene Ferdigg, 2.Federico Pellegrini, 3.Mattia Kastlunger (dal 82^a Dylan Liotto), 4.Gianluca Lorenzini, 5.Kevin Fersuoch, 6.Paolo Adami, 7.Alex Stampfer, 8.Alessandro Da Roit (dal 24^a Enrico Farenzena), 9.Simone Masoch (dal 86^a Gabriel Prada), 10.Matthias Stampfer (capitan), 11.Heinrich Conrater (dal 73^a Marc Mayr).

Alenadú: Cristian Curti.

Goi por la Val Badia: 5^a Matthias Stampfer, 54^a Heinrich Conrater.

Proscima partida: en domenia ai 4 d' otober 2020 da les 15:30 sôn la plaza da Mühlwald cuntra le Mühlwald.